



21247

kat.komp.

III

Mag. St. Dr.

P

us

ius et Pomeraniae

Robertson Guil. Andr. Gestamen pontificii ho-
notis novum innumera virtute et merito
Jhm. Et Rm. S. D. Theodori Potocki.

PANEG. et VITAE

Polon. Fol.

No 1024.

G
I

In

I

8

in

GESTAMEN PONTIFICII HONORIS NOVUM,

Innumera Virtute & Merito,

ILLVSTRISSIMI

&

RNDISSIMI DOMINI,

D. THEODORI

à POTOK

POTOCKI,

DEI, & S. Sedis Apostolicæ gratiâ,

EPISCOPI CULMENSIS,

& POMESANIÆ;

Triumphali POTOCCIANÆ CRUCI

APPENSUM,

& ad Solennia splendidissimi in Cathedram suam

INGRESSUS,

Plausu Panegyrico,

M. GVILHELMO ANDREA ROBERTSON,

in Alma Universitate Cracoviën: Philosophiæ Doctore & Professore,

CELEBRATUM.

Anno Gestati in Utero Virginis Verbi, 1699.

CRACOVIAE, Typis VNIVERSITATIS.



21.247 III

IN STEMMA,
Illustrissimi & Reverendissimi
PRÆSVLIS.



*Imperij Reges, Dominos, Diadema coronat,
Præsuleas ornat CRUX pretiosa manus.
Hoc Insigne Domus, quando POTOCIA Gestat,
Gestamen Summi PRÆSUL Honoris habes.*



PANEGYRICUS.

INvictam Regnorum Majestatem, non tam longè latèq; extensa imperandi magnitudine, nec potentissimo Gentium, suo sydere, in mortem Martemq; ultrò ruentium robore; quàm subvectis in altum gloriæ & honoris trophæis conservari, ac in immortalitatem, maximâ sui parte prominerè, æquè certum est, ac Solem, semper lucidum decus circumferre. Auget maximos in bellatrici pectore stimulos, ingens laudis portio; acuit pronos in bella animos, merces cruenti operis honos; quem generosæ mentes, magni sanguinis pretio, ac vitæ demum ipsius impendio, inter mortes & vulnera, mercatores Gradivi nundinas, magno nisu emere, ac conquirere consueverunt. Hæc magnanimitatis tessera, à gregario militum cætu, ingentis animi herodæas, Regnorum animata fulcra secernit; quod illi porrigant plenam cicatricibus ad stipendia manum, vacuîq; dentibus obstreant bellorum incommoda: plenis buccis sua facta crepent, & sauciato emendicent solatia laboris ore; hi verò immortali famæ, nomen committant suum, ac nullo magis Principum extenuent æraria, præterquàm ipsa gloriâ. Cyclopes suæ æstimationis, continuo sibi cudunt bonum nomen, & perenne decus, in Officina meritorum. Aliquando etiam supremis terræ Tonantibus

bus, vulcanos se exhibent, fulmina armorum ministrantes, vt facilius inter Deos terrestres, referri possint. Gruis vices gerunt, pondus boni publici, ac angularem tranquillitatis lapidem, proprijs sustentando manibus, vt insomnes videantur, & laudem ex vigilantia assequi, ac intenta populi ora, in se conuertere queant. Novos, sed feliciores Sisyphos dixeris, ita perpetuo multa inter no molimine, volvunt revolvuntq; præclara, quæ in publicum decus & præsidium gloriosè succurrant, & suum nomen infastigium æviternæ famæ, nunquam ruiturum attollant. In hostilis vsq; potentiaë Olympum, victricibus toties clarum lauris, & palmis non semel obtentæ victoriaë insignem, etiam non sine discrimine prorumpunt, vt triumphales inde suo honori adoreas, faciant adolere. In apertam hostilium armorum voraginem, more Curtij, vltro se trudent; vt pro boni publici incolumitate, titulo liberatorum gloriari, atq; immortalifamâ, per Capitolia celebrari valeant. Etiam Annibalem imitantur, semper ad Portas Regni, apertis more Leonum excubando oculis. Oculatissimi quandoq; ac fidi suis Regnantibus Vlysses, montium ardua, spumantes Neptuni fluctus, & eluctata omnium periculorum æroceraunia strenuè peragrant, nullam sui sanguinis parsimoniam æstimando, immo eundem quam prodigalissimè, & vsq; ad prodigium fundendo. Ad extremum per confragosa, & periculosioribus meandris implicatiora, per invia, & aspera, ad honoris bravium decurrunt, nunquam stationarij, ast semper irrequieti stadiodromi. Habet namquè ingens laus sua calcar, (non parvasq; animo dat gloria vires, nedum facunda, sed etiam fortia facit pectora, laudis amor:) quo illum vix non in cunis Orbis terrorem Alexandrum, ita punxit; vt sibi vsq; defecisse mundum plangeret, quem post modum, inter maris latebras, si quid vspiam vincendum restaret, pro-

propulit. Irritavit Herculem, in tot tantaq; monstro-
rum prodigia superanda; qui terminarias laborum co-
lumnas posuit præ invidia scilicet; ne cuicunque ani-
mus esset, plus ultra suam audere dexteritatem, totum
sibi vendicando valorem, & magni roboris gloriam.
Ipsos quoq; Romanos Imperatores adeò movit, ut in
Castris sæpius, quàm soliis visi, totum sub Latias leges,
mittere mundum, contenderint. Ac ideò verum qui-
dem esse, gloriam sine fūco, & vanitate quæsitam, esse
maximam virtutem, sed si ei admisceatur ostentatio, &
fatalis ambitus Orbi, in pessimum & detestabile de-
generare vitium. Vnde tot Rebellionum Mater visa,
mali tanta semina belli, tot funestas ltrages, Urbium ia-
cturas, & populorū excidia; per omnem Orbis faciem,
vesana quorūdam gloriæ cupido, parturit: ut quot quot
execrabili, armorum serie, hucusq; mundus pressus est,
id totum pro gloria, & honore quisq; suo, gessisse à Hi-
storicis proditur. Cæterum exitialis hæc ambitionis
flamma, & fax funerea, publicū excitatura incendium,
Apostemata & Orbis terrarum Phæctontes, non ho-
mines adusserit; nunquam tamen Augustos Animos, &
bono publico natos, Phæctonteâ fædavit favillâ, quo-
rum gloria, sicut merities sine vmbra, honores in pu-
blico non alij, nisi perpetuæ virtutis præmia, non super-
biæ aut vanitatis vexilla; quibus nihil antiquius, & san-
ctius nihil, quàm vitam naturæ debitam, cum glorio-
sis facinoribus, Patriæ reddere & consecrare. Hæc Ve-
stræ perennia monumenta gloriæ, hæc insignia Hono-
rum, ingentibus meritis, & factis fortibus partorum, o!
semper Magni, Felices, Inviæti, Vindices, Defensores Reli-
gionis, & libertatis POTOCCII; Poloni columina Re-
gni. Exquò Genitrix Heroum Sarmatia, pugnare for-
titer, vincere feliciter, triumphare gloriosè cæpit, tan-
torum ausum, victoriarum, Triumphorum, triumphale

le auspiciū, se meminit sumpsisse, à victorioso POTO-
CIANÆ CRUCIS signo; quod triplex omen prærendit.
Inde illi in magnifico, publici Honoris Templo, semper
Principe loco cenferi, cōtinua & legitima successio, suc-
crescit. Ex hac Domo splendorum fæcunda, meritis
& Honoribus Celsissima, trophæis inclyta, nullo seculo,
defensionī publicæ, prodire desierunt Decij, Camilli,
Marcelli, Fabij. tandem post tot Bellatorum secula, ve-
lut ferreæ ætatis rubiginem, auro deterfura. Te JLLU-
STRISSE & REVERENDISSE DOMINE
PRÆSUL, bonis avibus, hodie prodidit, Principem Sa-
crorum; dulcia pacis munera, ubiq; diffusurum. Talem
ac tantum, dono superum, & Augusti ore SERENISSI-
MI AUGUSTI II. Regis Poloniarum Iudicio, sibi con-
tigisse Pastorem, & Spōsum, gaudet Tiarata Culmenfis,
& Pomesaniæ Cathedra; & Tecum pristinam redire fe-
licitatem, non iam auguratur, sed Sponsore Cælo, CRU-
CIS Solio redeuntem, salutatur & veneratur. His plausi-
bus auspice Gentilitia CRUCE, in sublimē Pontificij Ho-
noris subvectum, publica celebritas comitatur. Cui
exundantibus gaudijs, in consortium lætitiæ publicæ, a-
nimum cogenti, ut securē coniungi liceat; exili Pane-
gyri profundam venerationem prætendo. Tuis Pon-
tificialibus auspicijs, Beneficium debiturus, si dextre pe-
riculum ingenij & eloquij, in publico sole fecero: admi-
ratione potius heroicarum tuarum Virtutum, quàm
laudatione.

Arduum magnæ gloriæ, ad summum honoris Au-
gustal, pergere iter; mortalibus quidem concessum est,
sed immortalia patrantibus; homini non cuiq; sed
Divis simillimo; non Vertumnis, sed masculis & sta-
toribus animis, ac cum ipsa luctanti sorore Tonantis,
patet Alcidæ, monstrorum domitori. Inconsulta ac
plane rudis est eorum cluctatio, qui honoris aliorum
auidi,

cum inuidia fatagunt eundem, quem alij attingere felicitatis scopum; sed eadem, ac illi, sequi Virtutis ardua refugiunt. Eiusmodi mortalibus insita est Natura, recentem aliorum felicitatem, ægris oculis introspicere, modumq; fortunæ à nullis magis exigere, quam quos in æquo videre; qui quoniam intemperantes laborum, & insolentes curarum sunt; id quod ipsi capessere nequeunt, neminem habere gestiunt. Tales more Timotei vellent piscari fortunam, sed non aureis sedulitatis, impensarumq; curarum; aut ferreis incuriæ retibus, & tardæ nimis mobilitatis; assas (vt vulgo dicitur) è cælo aperto ore expectando columbas, & interim ne vnâ muscam capeffentes. Multi demceps, Argonauticam exercere intendunt, nouas sibi, & alijs insolitas, ad præuertendam fortunam fabricando naues; bono quidem ingenio, sed à peruicacissimo mutuatur modos genio, & artes iniquas: conantur vt plurimum in ea, totumq; impendunt studium, quæ illis priuata suadent, licet publica vetant. Vela non mediocritum mentia fama protendunt, toto sibi littus in orbe rati; ignorando an potius nolendo intelligere, famam veluti halitum populorum, & leuem auram esse; quæ citius quàm ex ore exit, dispersa inter cæteras aeris athomos, non dignoscitur. His honor ambitionis pretium est, nec virtutis alimentum, vt Valerius sensit; sed pertinciæ fortunatæ edulium: ideòq; iactantèr omnia faciunt, cupiuntq; videri, obliti illius aurei senecæ effati; modicum Naturam desiderare immensum opinionem, viuentesq; ad Naturam nunquam esse pauperes, ad opinionem nunquam diuites. Istius modi vbiprimùm fortuna extulerit, eam directricem classis suæ (cui insani nimium credunt, desultoriæ eius leuitatis ignari) cæcam ac volubilem nacti, terras, Regna, prouincias, vrbes demum & opida peragrant, ad metam honoris de-

ludando : cumq; iam iam in limine templi constitui opinantur, erepentè versis aliò carbasis, trudentur in illas æstuentes gurgitantis pericula gloriæ procellas, vt inde etiam infausto fortis decreto deijciantur, vbi maximè **eminere** studuerunt. Ludit sæpius multiscum fortuna vt facilius lædat, vtq; illos citius in suam alliciat cymbam, oculosq; falsa veritatis imagine infascinet, Præfecturas, Consulatus, Curules, Sceptra, demum Purpuras, & Diademata ostentat; quibus tanquam lenocinantibus incitamentis, inductos in proram modicæ felicitatis veluti pueriles animos, & iisdem spoliât quæ dederat, & illo quod mortalibus charissimum est orbatos, prout miseros, secumq; luctantes, deijcit in litus ignominia, & irrisuionis. Stulti cum insana Dea peregrini, & sequaces, cum vident occurfari suæ nauis, aliqua ingentia honoris cæte, non rubea solummodo, sed cum fronte ruborem, & semetipsos inuerecundi proijciunt; vt depiscari possint id, quod exiguis insipientiæ retibus, teneri nequit: sæpenumero apprehendunt ea, quæ illis interitui sunt, similes illis, qui super viridi obuolutum gramine serpētem, delicatè & mollitèr cubant, fraudis incuriosi, & inseguri vitæ. Certi etiam ceu infelices Iasones, currunt in turbines rerum, & vltro in altus inconstantis Deæ proruunt; vt magnæ alicuius fortis, adnauigando Herfonesum, aureo potiri valeant vellere, & interim minimo aduersantis alicuius Euri, acti impetu: ipsum quoq; propriæ claritudinis deperdunt aureis præstantem villis agnum. Improuidi futurorum Acteones, deliciantur circa margines, mendacis simul ac fallentis euanidæ alicuius gloriæ eluuij, & quæ perlucida existimauerunt, vliginosa, limosa, & minus cauta inueniunt: immo vnde magnum sibi, crediderunt venari nomen, vano sæpissimè irretiti omine & capti, sibi demum ipsis facti dissimiles, velut

mira

mira Methamorphosi, de magnis transmutatur in minimos, simul ac de hominibus in bruta versi, vitam suam, proprijs dant in pabulum concupiscentiæ canibus. Alij quia ociosi, in desiderijs semper & anhelitu viuunt, tendendo continuò pharetras cogitationum, missilibus conatibus, acsi mille instructas sagittis, sed postquam iaculati fuerint, rara adeò felix intentio eorum est, vt ex æquo possint attingere metam illius honoris, quam sibi præfigebant. Pleriq; etiam cæcum arbitrati Numen fortunam, simulant sibi famam, furantur nomina, velant facies factis aliorum, manusq; leni pelle mansuetudinis obuolvunt; ne ruspidi & rapaces videantur, vt primogenituram alicuius honoris capeßere queant. Laqueos demum & stratagémata eunti ad alios fortunæ struunt, vt cæca scilicet cadendo, quasuis disperdat optimas & opimas dignitates, quas illi postmodum, successu doloßo latiores colligant; vel vt satius dicã subripiant. Plurimi quoq; puerili genio laborantem credendo fortunam, domum plenam imaginibus maiorum suorum ostentant, & picturata metallis opera, ignari cælo & cedro notandæ Venusini vatis exhortationis: nec genus nec proavos & quæ non fecimus ipsi vix ea nostra puto. Lanceas demum, Clypeos, cristas, & gladios, quos quondam Thauricani prodigio sanguinis, terfoq; vulnerum murice rubentes, consumpsit erugo, & pendulo rasit senio Vetustas: dicunt recenti adhuc hostium cruore madescere, nomen familiæ ad fastum & iactantiam quatenus referant, stemmatum gloriam in Romanis profapijs fundant. Inconsulti magna stemmata, posterorum factis nunquam benè animari posse, sanæ mentis, sanè inopes sunt, Metempsychoseos fabulam innouant, de vno veluti in aliud corpus, eandem animam, eundemq; vigorem posse commigrare rati. Sunt etiam quidam, qui more Icari, cum

suos Patres volare in subſelia viderint, ipſi quoq; puſſiones, & feruidi nimiũ, cereas ſibi applicant alas, vt ſublimia honorum faſtigia, illis involare facilius ſit: inſcijs quod ſi illius ſolij, ac ſolis ſplendoribus. hæc eorum faſtuosa aduratur inſipientia, ambuſtis velut plumis, in magnum ignominiaẽ oceanum, graviore cadentes caſu, nomen ſuaẽ imponant infamiaẽ. Plurimi demum imenſos auri cumulos, velut montes, ſuper Oſſam & Pelion, cum Gigantibus ponunt; vt excelſum alicuius præeminentiaẽ conſcendant culmen. Hos inter anfractus, ſublimia petentium, ſolicite mihi exquirrenti, qua præceſſam TUAM Indolem, auſpicatis nutritam ſub penetralibus, maximorum quorumvis operum decorumq; capacem, intendiſti: vt novum hoc, & Sacrum, Pontificij Honoris Geſtamen, inter cætera triumphalia ornamenta, Gentilitiaẽ CRUCI TERGEMINÆ appenderes & illo emineres, inter Purpuratos Eccleſiaẽ ANTI-STITES faſtigio; cuius Ceſſitudinem inter militares MAIORUM TUORUM adoreas, nunquam Orbis ſuſpexit. Nec diu cogitandum erat, lubricum fortunaẽ & præceps ambitionis iter TE declinaſſe, innata Magnanimitas palam convincit: & Regiam tenuiſſe viam meriti ac Virtutis, quaẽ Terrarum Dominos inter Numina refert. Signarunt hanc TIBI, non magis cruentæ hoſtium exuviaẽ, quam perennes amoris publici, iugiter in domo TUA vigentes flammæ; vt illa tantum tentares veſtigia Palmaria, illas ſemitas præmeres, quaẽ ad magna per ardua ducunt. Vnde ſublimem Hanc Pontificiaẽ Dignitatis Prærogatiuam, congruis inſignium meritorum gradibus, non ſortis fortuito iactu, vti alijs ſæpe fortunaẽ pullis contigit, adeptus; id muneris totum magnaẽ & heroicaẽ Virtuti TUÆ, in acceptis debes; & mihi abſq; aſſentationis purpurifſo, de TUO honore uſurpare licet: per cunctos ivit ille gradus, Aulaẽq; labores,
emen-

emensus tenuit summæ fastigia sedis. Iuisti Herculeo præclare factorum passu, & solidato inter lubrica virtutum calle, ad Purpureum hunc Præsuleæ Eminentiaæ apicem; nec profanis gentilium opus erat augurijs ad successum, quum TE maioribus, per altum auspicijs, facta vrgerent: ac retro ad digna curis illustribus mediantia prouocarent. Nonne & ipsa Sceptryger Regni nostri Ales, videtur expansis in tripudia alis, Tu velle applaudere Honori; nonne laxatis habenis, currit Litauus, in Sonipede Heros, vt gloriae Tuæ prodromus omnium præcurrat vota; vt sic bene strato, ad honorem, incedas, non devius tramite. Nec Tibi invidiae monstra, audebunt occurrere in via, cum SERENISSIMI Regnantis Nostri AUGUSTI SECUNDI, duo euaginati Gladij vti in Crucem compositi, ita CRUCI VESTRAE GENTILITIAE fauentissimi, infesto mucrone, non nisi in hostes & Vobis infensos seruato: præsto Tibi auxilio sunt. Habet sanè, vnde superbiat Honor hic, qui ultro ad TE venit, cum longè plus à TE claritudinis accipiat, quàm addat. Ipsa quin etiam fortuna, cæca alias, & ignauorum faulrix, in purissima Illustrium Gestorum TUORUM luce lumen recipiens, Vincetas dat Victrici Tuae Sapientiaæ manus, & meritissimo Honori, pedissequa fieri, non recusat. In hac & Talia, Tuo Magno adscribenda Nomini præconia, non me permouet, deformæ fædæ cuiuspiam adulationis obsequium, tam Tibi exosum, quàm olim optimo Principum Traiano, quodvis adulatorum agmen inuisum. Præsertim cum non meus, sit de TE hic sensus, & æstimatio, sed Vniuersi Regni Nostri conscientia, quod summis de TE spebus, traxisti in magna Tui encomia & laudes. Quomodo enim summa omnia & optima de TE sibi non promittat; qui è summis & optimis natus, non solâ indole, hæc eadem spondes, sed laudatis operibus præstas. Atq;

ego hîc dum laudem TUAM in immensa tantarum lau-
dum amplitudine contemplor, lucidissimam siderum
aulam, subire videor. Non iam hebet, nec disgregatur
læditurq; visus inter tot tantosq;. ILLUSTRISSIMÆ PI-
LAVIORUM DOMUS nitores, & coniunctos alti cuiusvis
sanguinis splendores, vberes fermeq; florentes Victori-
arum palmas, virentes adhuc triumphorum manu &
ingenio Tuorum Antecessorum partas laurus, inter
trôphæorum summorumq; honorum ver purpureum,
idemq; perpetuum; florentis etiam facundiæ & cala-
mi vernantis felicitas marcet ingenij ardor tepescitq;
dum quemcunq; requiras hac de Stirpe Virum, certum
sit de Principe nasci, per fasces numerantur aui. Certè
præclarum illud Cassiodori elogium perenni veritatis
fulgore, Inclytæ meritis & triumphis Deciorum Fami-
liæ conditum ad immortalitatem, nemo iustius in alte-
rius quam gloriosissimæ POTOCCIORUM Gentis laudem
translulerit: cum nihil quoq; POTOCCIIUS ætas longa
subduxit, immo Veteres Decios, in illis Polonia co-
gnovit, Decios inquam priscis & secuturis seculorum
Myriadibus, honoratam Prosapiam, libertatis auxilium,
Curia decus, Poloni Nominis singulare præconium, il-
li enim complent paginam consularem, eosdem crebrò
nominat cursus annorum, & dum copia plurium, so-
leat habere fastigium, illorum nomen repetitum, effi-
citur semper gloriosum, ô temporum singulare præco-
nium! Curia Polona, completur penè Vestra Familia.
Magnum sanè & Immortale decus, pretium nomenq;
perenne, hæc Familia iustè sibi vendicat, quæ in defen-
denda Patriæ causa, gloriosissimam illam Drusi regu-
lam secuta nec puero vllas vnquam ferias, nedum Vi-
ro obtrigisse permittit; quin in succurendum Patriæ,
Dijs quasi animæ similes, pectora magnis, nunquam an-
gusta malis monstrarent; quibus vti vmbonibus, ac in
expu-

expugnabilibus veluti munimentis, hanc tutam esse
voluere: infra invicta animorum robora ponendo, fos-
sarum moras, & præsidia murorum parvi discrimina læ-
ti. Heroinæ POTOCCIORUM Matres, sine numero. &
iam extra stuporem invictæ, Penthesileas supergressæ,
Martes generare consueverunt: quos inter Tonitruan-
tes frementium armorum fragores, ac si Tonantes, in-
tercudentes Cyclosum officinas, nutrire educare erant
solitæ. Immo uti vniones, fulgurante cælo, parturiun-
tur intra conofilia, POTOCCII quoq; idem mos est, ut
intra fulmina æstuantis Gradivi, velut gemmæ nascan-
tur: ut sic confamiliares bellorum paucibus, ipsiusq;
Bellonæ collactanei, nullo terreantur armorum strepi-
tu, quo magis terreant: vel ut in cunis etiam sibi prome-
reant purpuram; quos statim obstetrix Lucina, non fa-
scijs illigat, sed palmatis, & cruore hostili rubentibus,
obvoluit Maiorum suorum Prætextis. Et ideo Primi-
pilares, ac Triarii, Regni nostri, POTOCCII habiti sunt,
in quorum lacertosis vlnis aut stare boni publici securi-
tatem, aut cadere necesse erat. Præstantissimos quippe,
& quosuis Sago Togaq; insignes heroas, magnanimitate
bellica, ac singulari Virtute Orbi notos, Celsissima
POTOCCIORUM Domus, complectitur, ut quidquid de-
fuit, vel desideratum est in alijs; id totum, in hanc Pro-
sapiam, benigno sinu, naturam & fortunam Lechia-
dum profudisse opinarer. Nunquam illi defuere, for-
tes Leonidæ, strenui Epaminondæ, pugnaces Pyrrhi,
Aiaces magnanimi, & alij triplici ære circa pectus muni-
ti heroes; quibus postposita, propriæ vitæ sollicitudo,
fide solummodo, & Patriæ libertatis integritatem cura-
ruerunt. Terrores hi Orbis, non semel indoluerunt, sibi
hostem, non se hosti defecisse: immo in bellis nati, in
turbiniibus, rebusq; in se, supra subtusq; ruentibus educa-
ti; pro crepundijs recenter perfusas hostium exuvias

habuere. Nullas territantis fortunæ pauescentes vi-
ces, ad omnes cruenti Martis insultus, Valentia corda,
plusquam sparthana robora opposuerunt: aduersis tela
retundendo telis, & rigidos, audaces, prosterndo ho-
stes; ruere usq; per medios ferri satellites; nec timere
mortem, immo cupere in ipsos, ire obvijs pectoribus
enses. Nec novum vnquam illis, monstra, fortiori cla-
ua herculis manu profigare; Leones Succicos excoria-
re, hidræ Tartarorum, repululantia in perniciem Patriæ
nostræ capita rescindere secus ac cōburere. Vibrarunt
quippe non semel hostes, in nos sua tela, quæ magnate
intingebant; vt fortiùs attraherent libertatem Polonã,
quam auream norunt; sed infelices, priusquàm auream
attraxissent libertatem, ferreos in suas ceruices POTOCC-
CIORUM enses intraxerunt. Consurrexerunt sæpius
gentes, & ingloria illa, Moschorum agmina, aduersus
robur Polonorum; sed ab interiectis POTOCCIORUM
manibus, non rubore solummodo, sed cruore non se-
mel perfudi debuerant. Quomagis Tyrannici Vescanæ
illius colluviei genij, quorum ingens erat studium, con-
quassato, ac everso nostro Orbe, inter tonitum ruina-
rum, ac concidentis Regni strages deliciari, POTOCCIO-
RUM armis sæpissimè compressi, cum sibi Victoriã de-
fuisse, & illis Triumphum adfuisse conspexerint; osten-
tantia plausus gaudia, in tristes servitutis vlulatus verte-
runt; & vbi insequi ac diruere castra consueverant, in
cypum ac compedem missi, seruilq; iugo innexi, PO-
TOCCIOS victores, in æternum immortalis famæ Capi-
tolium sequi debuerant. Compescuerunt non semel,
feudifragos illos, & sibi ipsis dominari prætendentes
Cosacos, velut ex visceribus Regni nostri, in dilanianda
cadem prorumpentes, servire iusserunt. Omitto illo-
rum sexcenta, in Bonum publicum gesta, Iliadem sci-
licet magnorum factorum in vna nuce arctari impossi-
bile

bile credens. Nec tantummodo armis, sed solidissimis valuerunt consilijs, in rebus Patriæ gerendis, manu & capite valentes; non ægide tantum Palladem muni-ri, sed & Cranio Medusæ edocti: prudentissimi consilio Catones, eloquentissimi in Senatorio laticlavio, pro aris, focusq; , ac demum solo, in quo nati fuere ubiq; abundè perorantes, extiterunt Tullij. Indefessi quoq; Atlantes publicæ felicitatis observati sunt; in quorum suffragatores humeros bene quidè pondus cælorum demitti poterat, nisi toties viduati pondera Regni, sustentare: salutis publicæ interfuisset. Nec amplius superbiat Roma, cum suis antiquis Imperatoribus, quos hucusq; Patres Patriæ, ac Domitores Orbis stridulo per mundum clamat ore: Romanæ etiam non imparem Rempublicam Polonam censuerim, quæ non minus robore, & prudentiâ, quàm eloquio, florentissimos fovet viros. Nobis quoq; haud defuere eodem nomine & omine digni POTOCCIJ, qui semper Sarmatici Imperij limites Romano more protendere consueverunt. Monstrarunt plerumq; species dignas imperio, ut à Pompa trophæorum, Pompeij; à secundissimè succedentibus, ac cumulatis triumphis, Augusti; Nervæ, eneruantes hostilem potentiam; dici deberent. Non cedunt fortissimi POTOCCIJ, Valentissimorum Fabiorum numero, tantum Illi Romani, Isti Poloni scuta imperij: Illi namq; vna tercentum cecidere die, hi non cadere, sed cadere hostes edocti, tantas hostium phalanges profligabant, quantas in ruinam christianitatis politas esse crederent. Tot Provinciarû funeribus ad-stitites, & in ipsis fortunæ manibus, ac gravitèr gestorum effecti, & consenescentes; quodocunq; fors ad arma nostros contulerat; ingerebant desuper pila, librato magis, & certo ictu, adversus temerè subeuntes cohortes, in direptionem nostræ Patriæ: & illos qui

exitium nobis parare visi sunt, funesta strage, non semel domuerunt. Pij erga Patrium solum Æneæ, in medios quoq; ausi prorumpere ignes, ac iras hostium, tunc temporis ab Acheronte communicatas, gratum demum Patriæ libertatis onus, proprijs, ex æstu & incendio, furentium armorum, exportantes humeris. Toruè prospiciebant felicitatem nostram, & suum exterminium, immanes Othomanorum oculi, quòd POTOCCIOS vel Joves crediderint fulminantes, vel supremi Tonantis Sobolè. Spatiosi illi Briarei, non semel pessima nundinatione, vitam in mortem commutantes, pudore ac sanguine perfusi; crediderunt cum Numinibus bellare. Audaces illi, & in omnem effrenati rabiem Enceladi, non sic citò in aciem egressi ut victi, & ab eorum ensibus cæsi, inter stuporem & jacturam medij, Martes redivivos, opinabantur esse POTOCCIOS. In summa adeo ipsam usq; sibi famam vectigalem fecerunt, ut vnâ manu Orientem tantummodo, sævumq; eius furorem tenere, alterâ in reliquos hostes, si qui superfuissent servata, credidi fuerint. Nec mirandum est, de felicissimo semper Eorum suc cesso, factisq; immortalibus; cum fortunatissimi veluti Constantini, sub Victoriosi CRUCIS GENTILITIÆ Labaro dimicabant, hæc arma, hoc scutum nacti, ubiq; irrumpentes, ubiq; triumphabant, facile scilicet militare visi, quia semper DEUM habebant Cômilitonem. Non revoco hîc ad calculum, Nomina Magnorum, ne more Diogenis degere tantum inter capita videar, non valendo Eorum immortalia discernere, & è condigno æstimare facinora, cum omnes stupenda, & animum meum supergredientia gessisse video. Non detergo putrem temporis caniciem ex Vetustissimis Eorum Ceris, ne operta carie mortis lumina, vilitatem Encomiorum sibi dedignari, in me aperiendo obvertant.

tant. Eorum namq; magna merita, & non minora facta, paginâ velle cōplecti ausus esset; quos non Poloni tantū septentrionis limites, sed nec exoticus Orbis capere potuit, sæpius ab illorum fortissimis dextris, captus ac propugnatus ingemuit. Celer namq; POTOCCIORUM fama toto sparsa orbe, trans Atlanteos mundi recessus, Euphratem, Nilumq;, quo Nominis vsq; Vestri fama venit, quas est vulgata per urbes; etiam per Herculis columnas plus ultra progrediebatur. Horum omnium Arithmeticum agere, impossibile est: Quorum pluralitas, historicam poscit penam non Encomiasticam, quo minus & Oratorem, metuens, ne maximis eorum factis & fastis obruar. In quorum laudes quisquis contendet scribere, opus erit vt in calamo trux umbo sonet, carmenq; minetur acre supercilium, spiret ferale vel ipse fluens Pæan, grauiorq; triumphet Apollo, & ideo Harpocratico illos satius veneror silentio, in quorum elogia, onustæ immortalibus Eorum gestis Regni nostri, assurgunt Annales. Cum tamen omnibus laudes dicere, mihi perdifficile sit; liceat saltim Magnalia POTOCCIORUM Domûs, recentes triumphos, ampla demum in Rempubli- cam merita, cum admiratione orbi Polono sistere ac ea solū proferre, quæ nostris vsq; seculis memoranda sunt. Maneant ergo à privatis laudibus immunes, abundè iam, sua Vetustate, & publica celebritate consecrati, continuæ POTOCCIANÆ gloriæ tituli, præstantes, animis & Virtutibus, heroes POTOCCIORUM animi; quorum illustria gesta, grata posteritas alet, & ipsa æternitas intuebitur. Recentium decorum lectissimū ordinem, pandat vtraq; Pallade armatus NICOLAUS POTOCKI, Castellanus olim Camenecensis, ad summa honorum fastigia incedentibus, nullum Augustiorem præire anteambulonem ratus est; quam innu-

mero Virtutum comitatu, stipatum animum quo semper ductus, non in altum solummodo Senatorij honoris, culmen sed etiam in augem immortalis famæ, euectus est. Victoricium palmarum vbere proventu, & raris civilis prudentiæ momentis, in pace decus, in bello præsidium, Patriæ præstitit. STANISLAUS Castellanus Podoliæ, quibus & quantus (in illa Regione quæ Sanguinarium omnis furoris Martij Theatrum est) præliantis Bellonæ certaminibus inclaruit; publicæ tranquillitatis Assertor, funestam non semel cum hostibus pertractando tragædiam, semper gloriosi armorum exitus testantur. Vir & famâ, & fortunâ florentissimus, oneri potius quam honori expositus, sua hostem possidere impatiens, per cruentum illud forum, & strages sub Cameneco iacentium continuo versabatur; quærens in medijs illis armis, gloriam gentis, & ignominiam hostis, quos sic non semel terruerat, ut suis cum armis in semetipsos, Phocaica ruendo desperatione, sibi quoq; mortem duplicarent, suo & illius icti vulnere: ut inter tot confusos ferri ictus, staret incertus, fluere quo vulnere sanguis, divisit animam, sparsitq; in vulnera lethum. Dentatam demum illam sementem Tartarorum, ex suis cladibus: identidem repululantem, o! quoties tanquam tempestas & grando Martia, contuderat, depresserat, confecerat. Non tantum triste sonans Gradivi officina, clangorq; tubarum, ac rubentia hostium cruore vexilla, intra inclyta Domûs POTOCCIORUM penetralia spectantur audiunturve: etiam triumphale illius atrium mitioribus, Camænis patet, & iucundum exhibet Musæum ex quo non defuit illis Attica dicendi vbertas, quinimo novi extra Romana rostra Tullij, fulminante vocaliores Periclis eloquio, melleo suaviores Platone, alteri è stoa Philosophi, non incaveis aut dolijs uti quondam Cinni.

Cynicus, ast cælestibus educati perfusiq; ambrosijs,
nunquam tacentes Virtutes vitiaq; gentium Taciti ob-
servantur. Prodiit in arenam eruditæ Deæ, quam
sudore doctæ frontis sapius madentem ostendit JO-
ANES Palatinus Bractaviensis, hunc Magnificencia, &
opes, & cuncta privatum modum supergressa extolle-
bant; aptior sermone, dispositu, provisuq; civilium re-
rum peritus, egregium principatus temperamentum,
in arduis Regni nostri negotijs, pro Patrio Conso ha-
beatur, Calamo æquè ac gladio potens, patrios de-
fectus secus ac Virtutes, inconnivi penna tradere po-
sthumis doctus; ne cæterorum facta solummodo scri-
bere videretur, Polonicaium legionum cōtra ROSUA-
NUM & MICHAELEM Cosacorum Duces, Præfectus fa-
ctus, ipse quoq; cedro notanda, ac prolixiori historia
digna gessit: ut prono illius, in Palladis & Martis obse-
quia animo adscribi possit; Quæ modo fulmineum Vi-
brauit dextera ferrum, pacatos calamos, sangvino-
lenta regit; scribit dextera eadem calamo, quæ gesse-
rat ense, hoste Vetustatem deficiente ferit. Qui licet
mortalitatis exuvias, & momēto habitabile Populorum
diuersorium liquerit, ad immortalitatis sedem prope-
rans, & æternæ mansionis commigrationem; nihilomi-
nus Tantum Virum, & facta Eius gloriosa, Musa vetat
mori: nam quem referunt Musæ, viuet dum roborata tel-
lus, dum Cælum terras, dum vehet æquor aquas. Ma-
gna hæc sunt & immortalia, sed maiora adhuc videntur,
quæ in stuporem magis quàm narrationem inducunt
NICOLAI PALATINI Bractaviensis Campiductoris Exer-
cituum gesta, hic inter candida adhuc materni la-
ctis alimenta, Rubiconem hostilis sanguinis transfre-
tare gestiens, cruentis edulijs nonnisi pasci, Martijsq;
rumoribus attolli consuetus; reptavit per scuta puer, Re-
gumq; recentes exuviæ illi ludus erant. Pro infanti li

statim diuerticulo, aream potius quàm arenam metiens, loco nucium, chalybeatas nocentesq; portando glandes, ac pro teneris bullis, bella intonando; ascias strictasq; bipennes, præfago in futuram hostium cædem vibrabat omine. Decimo etenim Octauo Anno factus miles, virentem adhuc annorum suorum palmam, inter fatales Martis simul ac mortis implantare duxit cupressus, qui postmodum in triumphales maximo eius Honori, excrevere laurus, tunc temporis in cruentum Album Nomē inseruit suum, porrexitq; manum gladio, quando aliorum imbecillis ætas, calamis adhuc fatigatur, ac chartis magis quàm ceruicibus, exarare studet atramentarios, non ferreos characteres: vt vix crederem interdū alijs contigisse de hostibus audire, quando ipse iam vincebat. Suo statim fortis ab ortu, nunquam tantum in Musarum eruditi otij culturam, animi sui impendit, Marti scilicet genitus, ostendit benè illam manum scire administrare gladium, quæ regere pennam erat solita; immo in Defensionem Patriæ leuior illi ensis, quàm calamus videbatur. Admirando sanè exemplo, secus ac laudabili & forti nonnisi animo consentanea resolutione, hanc arcem supergressus est, in qua non ludi sed bella geruntur. Verum hanc Martis progeniem, Martio sydere terrarum præsidio exortam, inter Martiales pro salute & Incolumitate publica ardores, temporali occasu extingui decuit, & maturè cælo accendi, inspiraturam heroicos ausus bellatori suorum sanguini, vt nihil ex eo prodiret nisi bellis idoneum & triumphis. Pulchrè micantia ordine suo Nomina Gentis, velut primæ & secundæ magnitudinis astra, dum in suis splendoribus celebraturus contemplor, repente maiorem Phæbo diem, moderator luminum cæterorum offundit, ILLUSTRISSIMÆ FAMILIÆ, NITIDISSIMUS SOL, Supremus olim; Idemq; Victoriosissimus Exercituum

tuum Regni Ductor, STANISLAUS POTOCKI, Castellanus Cracoviensis, Tuus OPTIME PRÆSUL Auius Desideratissimus. Hic Imperatoriarū Virtutum gloriā, Antiquis Ducibus par, inter tot Supremas planè aduersorum noctes, inter tot fatales tempestatum, hostiliumq; nimborum minas, dum serenum sudumq; pacis, invicta Virtute & felicitate, Poloniæ vndiq; afflictæ toties restituit; inter tot extrema naufragia, ex scopulo in tranquillum Reipublicæ nauem reduxit. Aquilonaria Pignora, Moschorum infesta arma toties contriuit, & tumidos spiritus confundens, mitius spirare iussit. Tanto Imperatori, si eloquentiæ Antistites laxatis habenis, elogia fundere, eiusq; Immortali Gloriæ exquisito artificio allaborare vellent: Nunquam eorum capita necitare eloquij turgentia, tot affundere excogitareq; possent conceptus, quot Ille innumera hostium capita, incendia, clades, funera, solitudinem Poloniæ ferentia debellauit. Sensit Illius vlticem dextram, Divini humaniq; Iuris Temerator Leo Sueticus, qui dulce Regni Poloniæ Pomum deuorare contendens, sat illud acerbum amarumq; gustavit: dum ab hoc superatus Samsone, Mellificium Victoriæ, quam sibi ex deprædatis Lechicis Provincijs parabat, POTOCCIO ipse præda factus dedit triumphum. Necdum siccis oculis spectare possumus, funestas Regni Nostri ruinas, euersas cum populis urbes, sacrata Tempia DEÛM diruta ac solo æquata, propugnacula militibus præsidiarijs secus ac civibus exhausta, ac vbi quondam steterere pergama nunc fluctuare aristas; tristia spectacula sueticæ hostilitatis: quæ in peius Patriæ Nostre excidium erupissent, nisi POTOCCIANA & CZARNECCIANA Magnanimitas, vnitis dextris, hanc Giganteam audaciam, Cælo Poloniæ imminentem compressisset, & tot Victoriarum torrentem, invicto robore, velut obice repressisset. Suis tandem im-

mortuus triumphis, egregiam belli Turcici Palmam, velut in medio positam, gloriosissimo Filiorum triumphalium Ternioni, non tam reliquit quam proposuit petendam. Prior in successionem Paternæ gloriæ, ardenti studio succensus, iuit non minus fortiter, quam gloriosè bella per omnia, quæcunq; hætenus Poloniam turbauere & afflixere. **ANDREAS POTOCKI** TUUS ILLUSTRISSE, & REVERENDISSE PRÆSUL PATRUUS, vt per ingentium Meritorum & Honorum gradus, Celsissimam Castellanus Cracoviensis Purpuram, & Ducalem Clauam consecutus, suppar Atlanti Patri Alcides Filius, pari honore censeretur; militiam suam, non magis armorum quam consiliorum esse, vt Orbi constaret; & cum forti Aiace pugnare potuit, & cum prudenti Vlyssæ pugnandi tempora secum habuit. Non nescius validiorem esse castrorum munitionem, cui tela vincendi præludia, ex Armamentario rationis, potius quàm ex euentu, stultorum magistro suggeruntur. Salutarius securiusq; Reipublicæ esse, mala à longè prudenti prævidere consilio, quàm iam ingruentia Victrici quantumvis gladio submouere. Pugnacem quidem semper Marcelli animum retinuit, sed illi prudentiam moderationemq; Maximi Fabij adhibuit: quibus præstitibus cunctando, non semel Poloniam restituit rem. Cum Maximus ille Regum Bellatorumq; quo Maior inter Regnantes Poloniæ non surrexit **IOANNES TERTIUS** Romani sedem Imperij Viennam, totumq; Christianum orbem, inaudito exemplo extra Regnum progressus, incredibili fortitudine, magnitudine animi & sapientia, à supremo periculo liberaret, defenderet, seruaret: Hoc vnum tunc deserta Polonia munimentum, aduersus Barbaros habuit, hanc vnam præsentem Tutelam **ANDREAM POTOCCIUM**. Nemo verò etiam inauditi illius, post homines natos ad Viennam

nam ex Turcica potentia triumpho, cum exsortem existimet, cui maximam sui partem, ingentis pretij gemmam, ILLUSTRISSIMUM DOMINUM STANISLAUM POTOCKI, Capitaneum Haliciensem, carissimum pignus impendit. Sic ille Castor in armis præcipuus, purpureo quia triumphali occasu, ad Capitolium immortalis gloriæ, Paternis occasibus viam signavit: non sine publici solamine damni, quandoquidem utriusq; famam immensum aucturus, Avitarum Paternarumq; laudum Heres, Magnæ spes altera Familiæ, ILLUSTRISSIMUS DOMINUS JOSEPHUS POTOCKI, Capitaneus hodie Haliciensis, intaminatis Virtutum fulgoribus inter mortales rutilat Pollux. Non licet, nec decet festo lætoq; die SPLENDIDISSIMI INGRESSUS TUI ILLUSTRIS-
SIME & REVERENDISIME DOMINE PRÆSUL, muliebribus lamentis accusare fata, quæ novum Illo Cameneci, Pergamisque Podoliæ, cælitus provisum Hectorem ILLUSTRISSIMUM PARENTEM TUUM PAVLVM POTOCKI, Castellanum Camenecensem, domi militiæq; summum, terris tantum ostenderunt. Cuius dolendæ morti lessum scripsisse Poëtâ crediderim: Heu faciles dare summa DEOS, eademq; tueri difficiles; hunc etenim ipso rerum magnarum apparatu futurum Libertatis Legum Patriarum Vindicem acerrimum, mors fato propera sub suas vocavit leges. Non omnis mortuus hac parte, vindicat Fatorum invidiam, quia Stofiliorum prole, & indole summorum capacissima beatior, singulare damnum multiplici incremento, Patriæ Familiæq; rependit. Quanta verò felicitas TECUM Orbi Christiano, nedum Polono contigerit ILLUSTRIS-
SIME DOMINE FELIX POTOCKI, Palatine Cracoviensis Dux Campestris ultra publicæ celebritatis præconia, hanc Tibi hostes ipsi adstruunt laudem, quasi ipso Nomine obligari moneriq; videaris, ut quantus es totus in commune bonum

promouendum propendeas. Post pulueres Palladios, cum fructu toleratos, aduersis prosperisq; Reipublicæ admotus, nullos gessisti honores, quos non præclare gerendo præcesseris. Insignia Capitaneatum Crasnostaviensis, Sokaliensis, Ropczycensis, Tlumaczensis, Lucinensis, an non multiplicis strenuæq; operæ in publico præstitæ; imparia quidem non tamen vilia prætia erant. Per gradus altiorum honorum solida constantis Virtutis ac meriti, non lubrica volubilis fortunæ vestigia contendisti; usq; ad summam Palatini Honoris Cracoviensis fastigium, habiturus illud maiorum pro Patria ausuum nobile calcar, & meritorum incitamentum, non Illustrium Curarum leuamentum. Tu namq; præter curam & salutem Patriæ cum nihil aliud præ oculis habeas, quiescere etiam in summo non potes, quin publicè prosis, & maximo Honori per summos labores superemineas. Quos Tu Diij boni! hostes fuderis, quæ bella gesseris, quæ prælia, quos conflictus, conserueris; quas Victorias & Triumphos reportaueris; quid Mars Tuus fecerit illic, quosue necij dederit, quidue quibusue modis. Testantur etiam hodiè Nimorowienses, Komarnicenses, Katuffienses pugnae, illustria TUARUM monumenta Victostrarum; vbi alij consulerent oracula, alij Romanas Volucres, tutumne esset in tanta sese protudere pericula; Tu idem consulendo, idem bellando promptus, vbi salutis publicæ intererat; sine mora explicare signa animosè & vincere gloriosè succueras. Memoranda seculis illa Hotimensis victoria, nostris hucusq; gloriosa, hostibus ignominiosa, ingenrem laudum TUARUM seriem tacere nequit, & glorioso haud desinit superbire laborum syllabo, cuius prosperrimo euentui allaborans, semper præsens & Præses non antecedebas solummodo alios, sed & antecellebas, prior in eruentam Gradivi arcem signa inferendo,

do, nec nisi Victricia referendo. Ast in Maiorem Te vindicat gloriam, apud omnium posterorum seram recordationem, stupor seculorum, Viennensis Triumphus de infaciabili Heluone Christiani sanguinis reportatus, cuius maxima pars prædicaris, cum illi felicissimum auspiciū imperterrito pectore cum hastata TUORUM cohorte Triariorum Magnanimus dederis. Tu solo Numine vero protectus, consertissimis hostium cuneis cinctus, medias inter acies Victor acclamaris, Achille fortior; quem Homerici quondam Dij caua nube operiebant; ut sine discrimine inter nudos hostium enses versaretur, solusq; illæsus, lædere possit & illudere victis. Optimus equidem Tuus laudator stupor esse censeretur, qui omnium heroum magnanimitatem, in TE vno complexus, Vniuersorum elogia superas Oratorum, extenuasq; totam dicendi copiam. Nihilominus rudis quoq; mea facundia Tuis triumphis obstrepere ausa est, non ausura nisi deberet: quandoquidem alterum vitæ suæ, Nominis, Fortunæ, & Dignitatis Parentem, gratis animi vocibus recognoscit MAGNUS ANTISTES, Cui exilis hic meus militat apparatus. Super omnia solatia hoc TE maximè recreat, hoc sustentat, & vigorem vitæ & lætitiæ sensum auget, quod pares Tanto Parente Filios, moribus, virtutibus, & factis fortibus perquam simillima Tui ex TE generis inconcussa Patriæ nostræ robora ac murum planè aheneum. ILLUSTRISSIMOS MICHAELEM Capitaneum Krasnostawiensem, JOSEPHUM Capitaneum Ropczycensem, STANISLAUM, & GEORGIUM præsentia quovis tempore in defensionem Regni Sarmatici columina; siquidem attestante prudentiæ summo: non classes, non legiones, perinde summa Imperij munimenta sunt, quàm numerus liberorum. Quantis Illi præcellunt, quantis destinantur Honoribus, quos

recusare parati, nisi liqueat meruisse. Quot vigiles publica famæ oculi in laudes decusq; TUUM evigilant, ILLUSTRIS DOMINE POTOCKI Excubiarum Regni Præfecte, olim exotici, nunc Lechici Martis delitium, Heroica animi & corporis fortitudine Herculi non inferior, Tartarorum tonitru, finium Patriæ aduersus Thracios furores, frequentesq; Getarum nimbos, Fortissimus Defensor, nec non validissimum obiectamentum. Haud vnquam Tuus scivit segnescere ensis, quem in hostes eximendum nulla in vaginis detinuit rubigo. Immo alter veluti Mutius, nunquam mutus pro libertate Memnon, palmum ocyus vulneri quam illi palmæ offerre prætendebas, ex qua odor tantum victoriæ ac vani decus triumphi, & non fructus vberimus ac facietas populo (in illis oris vbi Tu strenuissime bellabas) ex suis per aliena exulanti prodire debuisset. Aurea faustitatis Polonæ germina, Tua ILLUSTRIS & REVERENDIS PRÆSUL capita belli pacisq; ornamenta & præsidia, ILLUSTRIS DOMINOS STANISLAUM Castellanum Camenecensem, ALEXANDRUM Succamerarium Haliciensem, STEPHANUM Capitaneum Czerkassensem, JACOBUM MICHAELEM PETRUM & receptum iam Cælo exotica militiæ Maiorem DOMINICUM post tot nobiles palmas Cæli triumphis maturum, reuerentis silentij profunda veneratione colo; cum in singulares singulorum laudes & sublimia decora, ingenio & eloquio asurgere non opis est nostræ. Cæterum cum priscarentiaq; CELSISIMÆ GENTIS TUE decora, penitus retracto, ceruleo Martis sydere afflatum TOTUM GENUS POTOCCIORUM, nil nisi bella, pugnas, Victorias, triumphos, meditari, gerere, mereri, animaduerto, TE solum verè DONUM DEI THEODORUM prosper lovis fulgor, ad sacratiora negotia pacis composuit. Sacramq;

aramq; PRÆSULEAM Purpuram vt ornares, omnium
Virtutum ornamentis visendus, inspiravit & inter tri-
umphales MAIORUM TUORUM manubias NOVUM PON-
TIFICIJ HONORIS GESTAMEN, Victoriosæ CRUCI TUÆ
GENTILICIÆ, consecrares & appenderes. Aurelianum
Augustum in cunis Vagientem, ministerio Aquilæ ela-
rum, in aramq; delatum legimus, quam verius eiusmodi
TIBI præstitisse obsequium, albam Regni Poloniæ Ali-
tem, Sceptorum non tantum fulminum Tonantis Po-
loni ministram, in ipsis penè cunabulis crediderim; vt
GENTILICIA CRUCE, belli potius quam pacis tesserâ in-
signem, tenerrimis tamen nutibus sanctiori propiorem
Olimpo, mox sacratioribus admotura Aris, auspicatò
peruolaret, & peruolando CRUCEM TIBI PRÆSULÆAM,
non tam in aëre, quam in Virtutibus Præsule dignis fi-
guraret. Tu namq; in infantilibus adhuc positus cul-
citris, inter pueriles illos lusus, sensus visus es intonare
arcanos, & Regalis sacerdotij coronis apprimè seruien-
tes, & non vagitus; qui ideò non erumpebant, nam suæ
granditati, pusillum adhuc os rebantur. Nulla igitur
Juno, ausa est ad TE venire cum serpentibus, quem in
Causa DEI & Ecclesiæ, Dracones laceraturum præsa-
giebat. Statim Patriæ Nostræ Tui planctus, grata fue-
re modulamina, quæ vt quondam cithara Orphei, ad
plausus totum Nostrum Regnum concitarunt. Vir e-
tenim magnus, ac si publica nascitur lætitia & felicitas.
Superbit hucusq; Creta se nutritiam extitisse Iovi, Po-
dolia quoq; licet decliuitatem in nomine portet, subli-
miori tamen debuisset hucusq; censerì titulo, quæ TIBI
Natale exhibuit solum, Illumq; aluit, qui futurus erat
Patriæ lumen altumq; columen. Astrorum periti me-
liorum Planetarum fauores, in TUAM felicitatem, &
Nominis Honorisq; amplitudinem conspirasse, in vul-
tu & Indole præclara legebant, minora tamen conie-
ctabant,

Et abant, cum Tu altioribus fastigijs | cælitus destinare,
ris. Tu varios disceptantium de Tuis successibus sensus
spesq; de TE præconceptras minimè elusisti; cui mens ar-
dua, teneris fulgebat in annis. Nec mirum, quoniam
generosæ arboris planta, statim cum fructu est. In im-
puberi & florida adhuc ætate, illis plerumq; præcelle-
re videbaris, ad quæ vix vnquam annosa senectus per-
uenit. Vnde frustra est in TE iuueniles requirere an-
nos, quos gravissimis moribus oppressisti. Monstrasti
egregia benè formatæ Indolis lineamenta, illis nimi-
rum dando operam, studijs, quæ maturioribus conveni-
ebant annis. Quocirca Virtute ocius in TE mature scete
quàm ætate, generosissimè in eruditæ Almæ Palladis li-
ceis, licet absq; sanguine, non tamen sine immodico su-
dore dimicando, damnum nimium Polono faciebas
Parnasso, cum illius omnes penitus lauros in TUUM de-
cus meritò trahere censebaris. Sarmatici Apollinis
splendore satis conspicuus, exoticos sub soles TE con-
tulisti, non videre externa laudanda spectacula ast poti-
us videnda in TE vniuersis præbere sollicitus. Multo-
rum mores hominum lustrando & vrbes, Germaniam,
Galliam, Italiam, & cætera Regna inuisendo, nunquam
alienæ lucis ardoribus delinitus, mollia diffluxisti in vi-
tia; quinimo constiantor & Pario veluti è marmore cu-
sus, in ea Cælum tantum mutasti, non animum, quem
in optima seruaueras. Imo aliorum luxui climata
molliora, TUÆ heroicæ Virtutis profectibus fecisti
meliora. Vera Sarmaticæ Aquilæ progenies, quæ ideò
pullos suos varias transmittit per oras, vt quocunq; so-
li, & solo eos obiectet, sibi eosdem non degeneres pro-
bet. Tantis sapientiæ, ciuilibq; prudentiæ experimen-
tis, egregiè exploratus, in TVAM Poloniam ingenti-
um Heroum, & Optimorum Præsulum propriam ve-
lut in Patriam redijsti. Vbi Coronatis Capitibus vt al-

ter

cer fieres Ephestio, sub Augusto Coronarum Ternione
prima nobilium curarum posuisti rudimenta. Cumq;
ad Peraugustum Capitulum Cracoviense, acsi ad Capi-
tolium accessisses, illicò tot tantisq; publicis, non sine
omnium stupore TE exponebas negotijs, vt Palmæ
adinstar, intra pondera functionum Regni crescere TE
ostenderes. Ac proinde Iudex ad Tribunal Regni de-
puratus, nil non laude publica dignum egisti, vt meritò
TIBI adscribi possit; quòd in illis iudicijs Iustitiæ cultor,
rigidi seruator honesti, in commune bonus extiteris.
Non sic Tu accessu Difficilis, vti aliorum aspectus, qui
veluti rubus ad quem si prope accesseris pungit. Tali-
um TIBI mos semper execratus, qui iustis supplicum de-
siderijs, & præcibus vltro obuius & apertus, nullius re-
spectûs ductu, solius comitatus instinctu, ad suffragan-
dum plurimorum necessitudinibus ferebaris. Nec ita
vti cæteri qui quidquid calcauerint, novi Midæ subito
aurum fieri vellent: Tu nullum aliud inde exigebas vti-
le, præter rectam consulendi rationem & aureos mo-
res. Tam præcellis & in publicum proficuis intentum
negotijs, altiorum iure meritò ambiuit Claritudo ho-
norum, quam felicissimè auspicatus, in augusta Sere-
nissimi JOANNIS TERTII Regis Poloniarum aula, pro-
sydere primæ magnitudinis habebaris. Functus es glo-
riosè & prudenter arduo satis Cancellariatus munere,
apud Serenissimam CASIMIRAM Reginam Polonia-
rum, à cuius Reginali Maiestate nullus ante TE Orato-
rum augustius responsa dabat. Dignus proinde eras,
vt qui inter populos Virtutibus præcellebas, & Pontifi-
cialis Infulæ apicibus emineres. Hic mihi latus Enco-
miorum campus aperitur, vbi grandibus insuetus argu-
mentis, lassum per TUA Miranda ingenium, vix infine
recoligo: vnde satius securiusq; reor, apud aures Indul-
gentissimi PRÆSULIS, Veniam imparis Præconij depre-
cari,

cari, quàm magna parvis tenuare modis; & culpam in-
genij, detertere sublimem Gloriæ & Honoris Tui ampli-
tudinem, vix ipsis pro dignitate Plinijs implendam, vel
Tullijs celebrandam. Oportunè igitur causatus facun-
di Consulis Authoritatem, eum pro dignitate laudari
non posse, qui plusquam laudanda proferre non desi-
nit. Cum Clero populoq; Tuo, qui densissimo agmine
TIBI ingredienti auidissimè circumfunditur, vt in altum
Honoris Tui Præsulei Clivum, non ceruis aut Leoni-
bus, non elephantis aut quadrijugo curru; sed publico
priuatoq; omnium prosperrima TIBI annuentium desi-
derio, sed linguis ouantium, sed feruentibus gestienti-
um tripudiantiumq; votis, ferri ac inuehi videaris; in
vota desino. Nimirum vt peculiari supremæ Cælorum
Maiestati beneficio, quæ TE sibi populoq; suo Pontifi-
cem elegit, diu Bonitate TUA frui nobis liceat, diu Iusti-
tia gubernari, diu sanctitate & pietate conseruari. A-
dextremum vt qui inter Triumphalia ILLUSTRISSIMÆ
DOMÛS TUÆ ornamenta, & Gloriosa tot victoriarum
trophæa, cælesti ac innumera Virtute, Meritisq; præ-
cellentibus, NOUUM SACRI PONTIFICII HONO-
RIS GESTAMEN, GENTILICIÆ CRUCI TUÆ,
appendere felicissimo conatu molitus es, abinde no-
uorum seculorum pulherrimum contextum, diu
longè, prosperèq; victurus ordiaris Dixi.



BIBLIOTH. UNIV.

JAGIELLONICÆ

2. xxi. 5.

in.
oli.
vel
un-
ari
eli-
ine
um
ni-
co
eli-
nti-
in
um
ifi-
sti-
A-
MÆ
um
ræ-
O-
Æ,
o-
i



